



საქართველოს მთავრობის გ ა ნ კ ა რ ბ უ ლ ე ბ ა

№ 809 2019 წლის 11 აპრილი ქ. თბილისი

სახელმწიფო საკუთრებაში არსებული მოძრავი ქონების ფ/პ ოთარ მიქაძისათვის პირდაპირი მიყიდვის ფორმით პრივატიზების შესახებ

1. „სახელმწიფო ქონების შესახებ“ საქართველოს კანონის 29-ე მუხლის მე-3 პუნქტის შესაბამისად, სახელმწიფო საკუთრებაში არსებული ცეცხლსასროლი პისტოლეტი „პარაბელუმ 08“ №1236/3125 (ლულის ნომერი – „3125“, ჩარჩოს ნომერი – „1236“, გამოშვების წელი – 1940) პირდაპირი მიყიდვის ფორმით, სიმბოლურ ფასად – 1 (ერთი) ლარად, საკუთრებაში გადაეცეს ფ/პ ოთარ მიქაძეს (პ/ნ: 01005008384).

2. ამ განკარგულების პირველი პუნქტით გათვალისწინებული მოძრავი ქონების საპრივატიზებო პირობებად განისაზღვროს:

ა) საპრივატიზებო თანხის გადახდა შესაბამისი ხელშეკრულების გაფორმებიდან 30 (ოცდაათი) კალენდარულ დღეში;

ბ) ფ/პ ოთარ მიქაძის მხრიდან სახელმწიფოს მიმართ ქონებრივი ან სხვა სახის ზიანის ანაზღაურებაზე, ასევე ყოველგვარ მოთხოვნაზე, საჩივარზე, სარჩელოზე უარის თქმა როგორც საქართველოს საერთო სასამართლოებში, ისე

ნებისმიერი სხვა ქვეყნის, მათ შორის, ადამიანის უფლებათა ევროპულ სასამართლოში ან/და არბიტრაჟში.

3. საქართველოს ეკონომიკისა და მდგრადი განვითარების სამინისტროს სისტემაში შემავალმა საჯარო სამართლის იურიდიულმა პირმა – სახელმწიფო ქონების ეროვნულმა სააგენტომ, ამ განკარგულების შესრულების მიზნით, უზრუნველყოს კანონმდებლობით გათვალისწინებული შესაბამისი ღონისძიებების განხორციელება.

პრემიერ-მინისტრი



მამუკა ბახტაძე